

國醫小叢書之十九

伏邪新書

劉吉人著

上海國醫書局印行

中華民國十九年十月出版

國醫小叢書之十九

伏邪新書

全書一冊定價一角

版權所有
禁止翻印

著者 鎮江劉吉人

校正者 上海秦又安

出版者 上海國醫書局

山東路十三號

發行者 上海中醫書局

嘉義西門街

代售者 台灣蘭記書局

伏邪新書序

伏邪爲病。前人未有暢明言之。凡近世醫生。所謂調理本症是也。以其病持久而徐變動不速。奏效不易故也。其實內有伏邪爲病者。十居六七。其本臟自生之病。不兼內伏六淫者。十僅三四。前人未嘗分別著書立說。以故伏邪與本臟生病。皆所混雜不分。而總目爲調理本症。僅按其外面自現症候名目用方。按圖索驥。有效有不效。總未得究其病根之法。分別用方。在本臟自生之病。或有對症之理。在伏邪爲病之症。不知祛邪外出之法。故鮮能收功。予經歷多年。覺本臟

自生病。不兼伏邪者。用古法治。可以奏效。若兼伏邪。卽難應手。一遇全因伏邪爲病。而累及本臟自病者。更無全愈之日矣。俗人徒以試藥戲藥目之。以爲病不可治。而予創立伏邪說治法。分別六淫治之。一面扶正。一而祛邪。不操切圖功。務使內伏之邪氣外解。臟腑之真元復舊而後已。念年以來。獲效甚夥。於心甚安。不敢自秘。爲獨得之奇。願以公諸後世。非予敢獨創爲異說也。以內經有春傷於風。夏爲飧泄等論。吳氏葉氏已先開伏暑法門。予因隅反。覺六氣皆有內伏爲病者。故條分縷晰六氣伏邪。分別診治法。以告後學。蓋邪機隱伏。病根深藏。非若新感易於辨識。易於祛除也。

著者識

伏邪新書

鎮江劉吉人著

上海秦伯未校

伏邪病名解

感六淫而卽發病者。輕者謂之傷。重者謂之中。感六淫而不卽病。過後方發者。總謂之曰伏邪。已發者而治不得法。病情隱伏。亦謂之曰伏邪。有初感治不得法。正氣內傷。邪氣內陷。暫時假愈。後仍復作者。亦謂之曰伏邪。有已發治愈。而未能除盡病根。遺邪內伏。後又復發。亦謂之曰伏邪。夫伏邪有伏燥。有伏寒。有伏風。有伏濕。有伏暑。有伏

熱

伏燥

其面色如常。但中正印堂年壽兩顴等處。間有白氣隱於皮膚之裏。白而不澤。舌苔白腐。〔白如銀灰色。亦有黃白相間者。如表心紙色而厚。〕甚則僅如錢大一塊在舌中心。而四面如駁去者。或四面有白腐。而中心如挖去者。脈象沉取短澇。浮取反覺小滑。〔兼勝氣者。脈兼緊。左右彈。兼勝復氣者。脈兼大數。〕胃脘不舒。〔中氣故覺痞悶也。〕此伏燥常見之形症也。

燥金邪氣伏於陽明。發爲嘔吐翻胃。當胸脘痛。腸結。〔內有燥屎。如

羊矢豆內結。而大便反溏泄。或細如金菓條。或滯下。滯下。大便不爽。痛而不通之候。噎膈。俗傳膈食病。皆由燥屎而成。紫虛四言脈訣。有翻胃嘔吐結腸者亡之論。予以燥結下之。無不生者。無汗。或但頭汗出。無汗燥傷津液也。但頭汗出者。頭屬陽明部也。加減調胃承氣湯主之。去芒硝加蘇子歸身淡苳蓉火麻仁潤以下之之法也。

燥金邪氣伏於陽明。日久不解。傳入衝任。發爲當臍而痛。時作時止。時緊時鬆。疝瘕癥結脫營血枯。久則成乾血癆症。乾血癆本世俗之俗名。然惟此一症名實相符。治如上法。加桃仁蘇木烏賊

骨杏仁蘇子蘇梗以通之。此寓補於通之法。（桃仁蘇木烏賊骨溫通活血而不傷氣。杏仁蘇子蘇梗少用之。以爲助以調氣降氣。生甘草稍亦能通下。）日久虛甚者。參用通補丸。奇經丸。脈結而牢緊者。天台烏藥散。加巴霜法。亦可參用。

燥金邪氣伏於兩厥陰血分。（肝與胞絡皆主血。）兼及衝任。男子虛疝。血虛之人。日漸瘦弱。嗆咳寒熱似癆。少腹拘急似痛。非痛。脇下疔痛。（如帶束腰際狀者。帶脉亦病。）大肉削脫。（津液消亡也。）脈芤虛短澹者。當歸羊肉湯主之。（用歸身一錢。連皮羊肉三斤。白煨另煎。加入食鹽。獨用亦可。）補血潤燥之法也。女子月事正盛。及

男子血不虛者。燥氣縛血。結成瘰母。痞塊癥瘕。腹脹痛者。化癥回生丹主之。虛者（人虛症實）通補奇經丸參用（人虛症實。故用通補兼施法。）

燥金邪氣。伏於手太陰肺絡。發爲肺痿。皮毛枯津液槁。噎咳咯血。天府穴痛。胸痛如夾。未化熱者。紫蘇子湯主之。方用（杏仁玉竹柏子仁生甘草蘇子火麻仁阿膠）化熱者（脉數大兼芤）潤燥救肺湯主之。（卽喻氏清燥救肺湯。去桑白皮加葶仁。）

燥金邪氣。伏於陽明。傳入足太陰脾絡。少腹兩旁夾臍而痛甚。不能直身。如伸直則脾之大絡拘急。而痛更甚。大便細若金菓條。亦有羊

屎矢豆糞在內者。五仁丸主之。脾約麻仁丸。亦可參用。（此條當

與前陽明法參用）

燥金勝氣。陽虛不旺者感之。頗似寒症。（以其脈緊濇而小。舌白無汗。形類傷寒。）用散寒藥則化熱。（脈變小數。口渴睛紅等證。）用清涼藥則又似寒。（脈又變小緊而濇。緩細結等陰象。口中生水。此甘寒藥之弊也。）用苦寒藥（如芩連知柏之屬。萸貝山梔等類）則益燥。而血液乾。元氣減。用溫補（如黃芪潞黨蒼朮）則中宮壅塞不通。用消導化痰藥（如陳皮半夏厚朴山查神麴雞內金等）則劫傷胃陰。（胃汁津液反壅塞於胃之上脘。不降。口生涎沫。燥極

反澤矣。○燥結愈堅。○胃汁燥乾。腸中無津液滑潤。則燥屎愈加堅結難下矣。○兼勝氣爲次寒。爲清邪。當溫攻潤下之者。誤用寒下法。必變生厥冷肢逆。汗出如水。陽氣旺者。易化爲火。○卽燥金復氣也。脈數有力舌黃。○化熱卽從火熱治之。故燥氣化火之症易治。○人能識。人人能治。但在化而不化。脈象方數。舌色初黃之候。誤用苦寒。則難治矣。○

按燥金之症。與七情抑鬱悲憂思症相似。以其同爲秋氣傷人。治法皆以春和生發之氣解之。○脈同一濇脈。而有長短浮沉之異。燥傷血故脈沉而短。憂鬱生於七情不適。善傷氣。故脈浮濇而長。

細金性沉着堅斂。易生燥屎。憂鬱則無之。故憂鬱用蘇梗製香附。溫行氣。舒暢氣機。伏燥用蘇子杏仁歸身。有油有汁之品。溫潤血液。而一由六淫燥氣內伏。一由七情抑鬱而生。學者當攷其同中之異。分別用藥。以施治焉。又按燥極反澤。口生涎沫。與熱邪入營。口反不渴。津唾多。胃熱則廉泉開症相似。一熱症舌質多紅紫。苔薄白如雪。青杭綢色。燥症舌色不甚紅紫。少有分別。而熱症可清。燥症不可清也。至於熱症末傳。陰液大傷。脈反小。瀉燥症陰傷。脈亦小。瀉。一熱症小瀉。然靜中有動。多芤瀉相兼者。燥症以瀉爲本脈。其人形症未久。未大傷陰津。卽有瀉脈。一爲末傳敗象。

一爲初中傳本脉。病之久暫深淺。其候不同。亦易變也。學者亦當細心分別焉。蓋燥卽乾也。一則是西風吹乾。一則是火氣炕乾。其耗傷津液則同。一乾燥而治法則大有不同。一宜清潤甘寒而潤。一火燥治法也。一則宜溫和甘平而潤。一燥金治法也。

伏寒

其人面色淡黑而黃。一如浮烟籠罩。黃黑皮裏有青白氣。隱隱現於年壽山根額上兩顴臥蠶等處。一爪甲色淡不甚紅。一微兼青白。一舌苔薄白。一如敷米飲。如染豆漿。一而潤。舌質淡。一不甚紅。一脈沉。

遲弦細而弱。痛者兼緊。痛甚則如新張弓弦。或兼結。食不甚消。有食入半日而吐出。仍未腐化者。行動言語皆遲緩。神氣消索。小便清長。此伏寒常見之形證也。

寒邪伏於足陽明經。傷胃之陽氣。胃汁冷發爲胃寒。飲食不消。胸悶脘脹。胃汁冷。陽氣困。故消化不速。而有是症。吐水。津液不消。陽氣不足。脾不消水液也。甚則腰以下如坐冷水中。胃陽不足。腎陽亦憊也。喜熱惡寒。此寒從胸受。或從足背受者。故無傷寒表症。治以甘溫溫中散寒湯主之。乾薑砂仁附片甘草蔻仁苓朮。加灸足三里胃脘中脘。畏灸者以蒜泥代灸法。或散陰膏貼中

腕穴。

寒邪伏於手陽明手太陽經。發爲腸癖。白痢。五更冷瀉。瀉色白臭腥淡。少腹痛有定處。綿綿不已。非得熱熨不能解也。白芷乾薑湯主之。白芷桂枝破故紙乾薑菴蓉甘草萊菔子。灸二腸俞。散陰膏貼臍。貼大小腸俞穴。

寒邪伏於足三陰經。肝脾腎三陰經。由足心臍腹而受。發爲少腹痛。爲奔豚氣。氣上冲痛。兼衝任脈病。爲伏梁。任脈病也。爲寒疝。厥少陰衝任病。爲足筋拘攣。陰蹻病也。膝冷脛痠。腎病也。感寒卽發者。溫暖三陰湯主之。吳萸木香乾薑肉桂。

附片甘草。疝者加荔枝核橘核元胡索。足筋拘攣者加（五加皮虎骨膠木瓜。灸三陰交湧泉穴。散陰膏貼之亦可。畏灸者以炒鹽填臍中上。加薑片灸之。不傷皮肉。火氣緩緩入腹。灸一火急按之。使火入腹。爲補火法。

寒邪伏於手太陰肺經。咳喘甚則哮喘吐寒飲白沫（白沫如水不黏。不能引絲。有絲亦易斷。）感寒卽發。輕者蘇杏二陳湯主之。重者麻黃湯。兼足三陰症。仲聖小青龍湯。麻黃附子細辛湯。苓桂朮甘湯。選用（兩太陰脈虛緩而遲弦。按之滑者。兼濕痰水飲症也。故用苓桂朮甘湯。實土以制水也。）灸肺俞穴。或散陰膏貼（天府肺俞穴。

亦可。

寒邪伏於衝任二脈。女子天癸後期短縮而少。少腹膀胱際痠痛。子宮虛寒。血凝經閉。則爲癥結血蠱。女子天癸適至。衝任二脈虛。或食冷。或下部受寒。每多致此。仲聖桃仁承氣湯主之。生化湯亦可主之。子宮虛寒者。寧坤丸。癥結者。化癥回生丹。

寒本水氣。靜順之化。其氣凝冽。故有冰凝之患。人之血液也。得寒則冰凝。水液反少。不比濕邪。水液反多也。其感寒而水飲停蓄爲吐水喘哮痰飲之症者。非其人陰液有餘。卽犯滋潤之弊。故經文曰。寒淫於內。治以甘熱。佐以甘辛。良以陰液少者。感寒則易化爲燥也。甘